

Na Presidente di Parlamento
Sr. drs. Pauldrick Croes

Aruba, 26 di maart 2013

STATEN VAN ARUBA

Ingek: 26 MAR 2013


Volgnr.: 15/480/12-13

Topico: preguntanan relaciona cu e situacion di prostitucion na San Nicolas

Respetabel sr. Presidente,

Pa medio di e carta aki mi kier a haci un peticion na bo persona pa entrega e siguiente preguntanan na Minister di Infraestructura, Integracion y Medio Ambiente, a base di articulo III.17 di nos Constitucion y articulo 59 di e Reglamento di Ordo di Parlamento.

Atentamente,


Sra. Lorna C. Jansen-Varlack

Preguntanan pa minister di Infraestructura, Integracion y Medio Ambiente


Pa hopi aña caba e comunidad di San Nicolas ta biba cu e situacion di prostitucion den centro di San Nicolas y pa ta mas specifico e parti casi final di B. van der Veen Zeppenfeldt straat y becindario. Pa nos hendenan local e ta casi imposibel pa haci compras of simpelmente cana den e area aki sin topa cu un of mas di e damanan aki. E regla ta pa nan ta den e negoshi di nan doño di trabou y si nan sali pafor mes, nan mester ta decentemente bisti. E problematica aki a wordo treci na atencion di minister na varios ocasion y ultimo tempo atrobe e kehonan pa cu e situacion aki a dreñta. Na varios ocasion durante di e reunionnan pa cu renobacion di San Nicolas e topico aki a wordo discuti y varios idea a bin dilanti di banda di e ciudadonan di S.N. y e participantenan.

Considerando cu despues di tanto tempo no a mira cambio den e situacion aki y a base di di articulo III.7 di nos Constitucion y articulo 59 di Reglamento di Ordo di parlamento di Aruba, mi persona como representante di pueblo ta dirigi e siguiente preguntanan na minister Oslin (Benny) Sevinger.

1. Con e team di renobacion di San Nicolas lo bay soluciona e problema (e mahos bista) di prostitucion den Main Street di San Nicolas?
2. Den bista di e desaroyonan turistico cu lo bay tuma lugar den futuro cercano na S.N. kico minister tin plania pa haci a corto plazo?
3. Ki tempo e cambionan lo tuma lugar den e area aki?
4. Con leu e discusionan ta cu e doñonan di e barnan pa cu e situacion aki?
5. No ta existi e posibilidad pa cambia e tipo di "vergunning" aki den futuro y stipula un area basta leu di nos habitantenan unda e trabou aki por wordo eherce?

Mi ta spera di por ricibi contesta riba e preguntanan aki mas pronto cu ta posibel.

Atentamente,



Sra. Lorna C. Jansen-Varlack
Parlamentario Fraccion AVP